

0.0.1 pavāraṇakkhandhakam (excerpt)

10. atha kho bhagavā te bhikkhū etadavoca: yathā kathampāna tumhe bhikkhave, samaggā sammodamānā avivadamānā phāsukam vassam vasittha? na ca piṇḍakena kilamitthāti.

11. idha mayaṃ bhante, sambahulā sandiṭṭhā sambhattā bhikkhū kosalesu janapadesu aññatarasmiṃ āvāse vassam upagacachimhā. tesam no bhante, amhākam etadahosi: kena nu kho mayaṃ upāyena samaggā sammodamānā avivadamānā phāsukam vassam vaseyyāma? na ca piṇḍakena kilameyyāmāti.

12. tesam no bhante, amhākam etadahosi: sace kho mayaṃ aññamaññaṃ neva ālapeyyāma, na sallapeyyāma, yo paṭhamam gāmato piṇḍāya paṭikkameyya, so āsanam paññāpeyya, pādodakam pādapiṭham pādakaṭhalikam upanikkhipeyya, avakkārapātiṃ dhovitvā upaṭṭhāpeyya, pānīyam paribhojanīyam upaṭṭhāpeyya. yo pacchā gāmato piṇḍāya paṭikkameyya, sacassa bhattāvaseso, sace ākaṅkheyya, bhuñjeyya, no ce ākaṅkheyya, appaharite vā chaḍḍeyya, appānake vā udake opilāyeyya, so āsanam uddhareyya, pādodakam pādapiṭham pādakaṭhalikam paṭisāmeyya, avakkārapātiṃ dhovitvā paṭisāmeyya, pānīyam paribhojanīyam paṭisāmeyya, bhattaggaṃ sammajjeyya, yo passeyya pāniyaghaṭam vā paribhojanīyaghaṭam vā vaccaghaṭam vā rittam tucchaṃ, so upaṭṭhāpeyya, sacassa hoti avisayham, hatthavikārena dutiyam āmantetvā hat-

thavilaṅghakena upatṭhāpeyya, ttheva tappaccayā vācam bhindeyya. evaṃ kho mayam samaggā sammodamānā avivadamānā phāsukaṃ vassaṃ vaseyyāma. na ca piṇḍakena kilameyyāmāti.

13. atha kho mayam bhante, aññamaññaṃ neva ālapimhā. na sallapimhā. yo paṭhamam gāmato piṇḍāya paṭikkamati, so āsanam paññāpeti. pādodakam pādapiṭham pādakaṭhalikam upanikkhipati. avakkārapātiṃ dhovivā upatṭhāpeti. pānīyam paribhojanīyam upatṭhāpeti. yo pacchā gāmato piṇḍāya paṭikkamati, sace hoti bhūttāveseso, sace ākaṅkhati, bhuñjati, no ce ākaṅkhati, appaharite vā chaḍḍeti. appāṇake vā uduke opilāpeti. so āsanam uddharati. pādodakam pādapiṭham pādakaṭhalikam paṭisāmeti, avakkārapātiṃ dhovivā paṭisāmeti. pānīyam paribhojanīyam paṭisāmeti, bhattaggam sammajjati, yo passati pāniyaghaṭam vā paribhojanīyaghaṭam vā vaccaghaṭam vā tucchaṃ, so upatṭhāpeti, sacassa hoti avisayham, hatthavikārena dutiyam āmantetvā hatthavilaṅghakena upatṭhāpeti, nattheva tappaccayā vācam bhindati. evaṃ kho mayam bhante, samaggā sammodamānā avivadamānā phāsukaṃ vassaṃ vasiṃhā. na ca piṇḍakena kilamimhāti.

14. atha kho bhagavā bhikkhū āmantesi: aphāsukaññeva¹ kira'me² bhikkhave, moghapurisā vutthā³ samānā

¹aphāsuaññeva - machasaṃ, pts

²kirime'ja - vi

³vutthā - machasaṃ

phāsukamha⁴ vutthāti paṭijānanti. pasusaṃvāsaññeva kira'me bhikkhave, moghapurisā vutthā samānā phāsukamha vuttā'ti paṭijānanti. eḷakasamvāsaññeva kira'me bhikkhave, moghapurisā vutthā samānā phāsukamha vutthā'ti paṭijānanti. sapattasamvāsaññeva kira'me bhikkhave, moghapurisā vutthā samānā phāsukamha vutthāti paṭijānanti. kathaṃ hi nāmi'me⁵ bhikkhave, moghapurisā mūgabbataṃ titthiyasamādānaṃ samādiyissanti. netam bhikkhave appasannānaṃ vā pasādāya pasannānaṃ vā bhiyyobhāvāya. athakhvetam bhikkhave appasannānaṃ ceva appasādāya pasannānaṃ ekaccānaṃ aññathattāyāti. atha kho bhagavā te bhikkhū anekapariyāyena vīgarahitvā dhammiṃ kathaṃ katvā bhikkhū āmantesi: na bhikkhave, mūgabbataṃ titthiyasamādānaṃ samādiyitabbaṃ. yo samādiyeyya, āpatti dukkaṭassa. anujānāmi bhikkhave, vasaṃ vutthānaṃ bhikkhūnaṃ tīhi ṭhānehi pavāretuṃ diṭṭhena vā sutena vā parisamkāya vā. sā vo bhavisati aññamaññānulomatā āpattivutthānatā vinayapurekkhāratā. evaṃca pana bhikkhave, pavāretabbaṃ: byattena bhikkhunā paṭibaleṇa saṅgho ñāpetabbo.

⁴phāsumhā - machasaṃ, pts

⁵kathaṃ hi nāma bhikkhave - machasaṃ